

Hs. 42, 338^b AIN SPRUCH VON AINEM CHRANCZ.

- Auf yedem crancz sach man lauffen
 Ain federn von ainem strausen,
 Daran yeder wart gebert
 5 Der varb, der sein hercz pegert.
 An yedem kil sach man schbeben
 Ainen puchstaben, sam er tät leben.
 Der pedeüt yglichs namen.
 Ich rain, ain furst sich nit schamen
 10 Dorft solcher gab von frauen clar.
 Noch mer nam ich da war
 Zbayr gefaß, da waß In
 Dy wol gesegnet sand Johans mynn,
 Hs. 42, 339 Das wir vns damit solten bebarn,
 15 Das vns Icht that wider farn
 Arck von keinem posen chander.
 Auch santen sie vns da pey pesunder
 Ainen pryff, den yeder gern laß,
 Wan er güet zw horen was,
 20 Wan daran wart nit vergessen.
 Dy wort maisterlich gemessen
 Wurden auß weises herczen grundt.
 Yeder Reim auf seinem pünt
 An siben Worten was gerecht.
 25 Ir wort worhafft vnd schlecht
 Stunden, also Ich euch sag.
 Sy enputen vns Ir treue clag
 Vnd da pey Irn werden grüs
 Vnd wy gross sorgen dick wurdts püß.

9. ? Ich wän. 16. ? kunder.

- Darumb solt wir elendt gefangen
 Vns nit ser lassen pelangen
 Vnd theten das durch Iren willen.
 Ir trost solt vnser trauen stillen.
 5 Sy santen Ir gab auß hohem müt
 Vns, dy was reich, edel vnd güt;
 Vnd ob vns dy gab icht freuden prächt,
 Das vnser yeder dan gedechtt,
 Hs. 42, 339^b Frolich hin auß zu diser fasnacht.
 10 Also was der prieff vol pracht
 Von den rainen an verdryssen.
 Der anfanck vnd das peschlyssen
 Kündt mit pesser sein gbesen.
 Da nun der pryff wart glesen
 15 Von dem anfang pis an das endt,
 Vnser kainer sich elendt
 Taucht sein auf das selb zil
 Man hiet gesehen freuden vil
 Von yedem pesunder da volbringen.
 20 Ainer tet tanczen, der ander springen,
 Vnd welcher da ging traurig vor,
 Des arm da gingen da hoch enpar.
 Man sach da freudenrichs Jubilirn.
 Ainer mit dem andern thet tispitiren,
 25 Ob er die frauen Icht thet erchennen,
 Das er sy durch Ir wirdt thet nenen.
 Da hiet man gesehen michel wunder.
 Yeder gie alain pesunder
 Vnd besprach seins herren syn,
 30 Ob er von In mocht werden Inn,
 Das Im dy frauen wurden pechant.
 Noch peliben dy rainen vngenant.
 Erst hub sy ain michel fragen
 Hs. 42, 340 Vmb den poten, das er thet sagen,
 35 Wer dy rainen frauen weren.
 Mit pet, mit tro, noch mit erfarn

4. ? trauren. Auch sonst in dieser hs. ähnlich verschrieben. 33. ? sich.
 36. ? besuern.

